

28. april 2010

UPA2010/87

Ilageeqarneq pillugu Inatsisartut inatsisissaattut siunnersuut

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

ISUMALIUTISSISSLUTAA

Siunnersuutip aappassaaneerneqarnerani saqqummiunneqartoq

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq suliarinninnermini makkuninnga inuttaqarpoq:

Harald Bianco, Inuit Ataqatigiit
Debora Kleist, Inuit Ataqatigiit
Andreas Uldum, Demokraatit
Malik Berthelsen, Siumut
Knud Kristiansen, Atassut

UPA10-mi ulloq 14. april 2010-mi siullermeerinerup kingorna siunnersuut
Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap misissorpaq.

Siunnersuutip imarisaa

Suliassaqarfik pillugu maanna inatsisaasumi ilageeqarnikkut allaffissornikkullu
suliassat naapertuutinngitsumik immikkoortinneqarsimapput. Allaffissornikkut
ilageeqarnikkullu suliassat immikkoortinneqarnerat Naalakkersuisunut,
Ilageeqarnermi atorfilinnut, Ilagiinni soqtigisaqartunut pingaartumillu Biskoppimut
ilageeqarnermut sulianik nakkutilliisumut killiliisutut misinnarpoq. Suliassat

amerlasuut allaffissornermut ilageeqarnermullu tunngasuupput, tamatuma kinguneralugu allaffissornikkut ilageeqarnikkullu suliassat arlallit nalorninartoqarlutik, tassa akisussaaffinnut oqartussaaffinnullu tunngasut ersarinngimmata.

Kiisalu naalakkersuinermik ingerlatsinerup ilagiinnillu ingerlatsinerup ersarissumik avissaartinneqarnissaat naalakkersuinermik suliaqartunit sivisuumik kissaatigineqarsimavoq.

Inatsit akuerineqarpat ilagiit aaqqissuussaanerat ersarinnerujussuanngorlunilu ilagiit imminut aqunnerulissapput. Tamanna allaffissornikkut suliassat arlalippassuit maannamut Naalakkersuisunit isumagineqarsimasut biskoppimut tunniunnerisigut pissaaq.

Ataatsimiititaliap siunnersuummik suliarinninera

Siunnersuut partiinit tamanit taperserneqartoq aammalu inatsisisatut siunnersuut sivisuumik utaqqineqarsimasoq ataatsimiititaliamit oqaatigineqassaaq.

Ataatsimiinnerit

Ataatsimiititaliap suliarinninnerminut atatillugu biskoppi Sofie Petersen ulloq 19. november 2009-mi ataatsimeeqatigaa. Kiisalu Ilagiit pillugit Naalakkersuisut ulloq 23. martsimit 24. martsimut 2010 isumasioqatigiissitsineranni peqataalluni.

Siunnersuutip tusarniaassutiginera

Siunnersuut ulloq 3. junimit 8. julimut 2008 tusarniaassutigineqarpoq, piffissaritinneqartorlu sivikippallaangajattutut nalilerneqarsinnaavoq, tassa akissuteqarnissamut killigitinneqartoq aasaanerani sulinngiffeqarnissamut qanittuararsuanngorlugu inissineqarsimammat.

Provsteqarfintti ataatsimiititaliat atorunnaarsinneqarnissaat biskoppimut eqqarsarnartoqartinneqartoq ataatsimiititaliap maluginiarpaat, tassa provstit pingasut namminneq immikkut aningaasaqarlutik toqqaannanngitsumik vice-biskoppinngortinneqassammata, tamannalu ilagiit nakkutilliinerata pisariuneruleraneranik kinguneqarsinnaasoq biskoppi isumaqarmat. Aammattaaq biskoppi allappoq provsteqarfintti ataatsimiititaliat atorunnaarsinneqarnissaat aalajangiusimaneqarpat biskoppip aqutsisoqarfiata § 8-mut ilanngunneqarnissaa aalajangiisuuusumik pingaaruteqartutut isigineqartoq.

Provsteqarfintti ataatsimiititaliat atorunnaarsinneqarnissaat Naalakkersuisut aalajangiusimaneqarpoq oqaatigineqarlunilu biskoppip oqartussaaffii inatsimmut nalinginnaasumik nassuaatini allassimasut, taamaattumillu biskoppip

aqutsisoqarfiata § 8-mut ilanngunneqannginnissaa Naalakkersuisunit toqqarneqarsimalluni.

Naalakkersuisut aalajangererat ataatsimiititaliamit tusaatissatut tiguneqarpoq, kissaatigaluguli siunnersuutip aappassaaneerneqarnerani aalajangiineq itisilerneqassasoq.

Ilagiit aningaasaqarnerat

Aningaasanut inatsimmut sanilliullugu siunnersuut aningaasartuutaassanngilaq. Taamaappoq allaffissornikkut suliassat tunniunneqarnerannut peqatigitillugu suliassaqarfimmut kontot aamma ilagiinnut tunniunneqassammata. Kontot makku pineqartut Naalakkersuisut paassisutissiippuit:

- Konto pingaardeq 40.92.14, Ajoqissanik organistinillu ilinniartitsineq, 2010-mi 1,791 mio. kr.-it missingersuutigineqarlutik
- Konto pingaardeq 40.92.15, Ilagiit hujskoliat, 2010-mi 1,51 mio. kr.-it missingersuutigineqarlutik
- Konto pingaardeq 40.97.01, Biskoppip allaffia, 2010-mi 2,984 mio. kr.-it missingersuutigineqarlutik
- Konto pingaardeq 45.97.02, Danmarkimi ilagiinnik sullissineq, 2010-mi 1,082 mio. kr.-it missingersuutigineqarlutik
- Konto pingaardeq 40.97.03, Kalaallit Nunaanni Ilagiit, 2010-mi 40,867 mio. kr.-it missingersuutigineqarlutik

Qaanaap sullinneqarneranut akisussaanerup Qeqqata, Qaanaap Tunullu provsteqarfianniit Avannaata provsteqarfianut nuunneqarnissaanut atatillugu provsteqarfifiit akornanni aningaasat agguernerat nalileqqinnejqassasut Naalakkersuisut oqaatigaat. Kiisalu biskoppimit provsteqarfinnut aningaasanik nuussisoqarsinnaavoq.

Siliani allassimasut malillugit ataatsimiititaliap paasinninnera imaappoq inatsit akuerineqarpal kontot taakku – aningaasartaat allanngornagit – ilagiinnut Naalakkersuisunit nuunneqalersaartut, tamatumani nussuisoqarsinnaalluni- Aningaasatigut nussuinerit qanoq ittut ingerlanneqarnissaat pillugu ilisimatinneqarnissani ataatsimiititaliap qinnutigaa.

Inassuteqaat

Siliani oqaatigineqartut siunnersummillu siullermeerinermi oqaaserineqartut tunngavigalugit siunnersuut **akuerineqassasoq ataatsimiititaliamit isumaqatigiittumit inassutigineqarpoq.**

Taama oqaaseqarluni ataatsimiititaliap siunnersuut aappassaaniigassanngortippaa.

Harald Bianco

Debora Kleist

Andreas Uldum

Malik Berthelsen

Knud Kristiansen